

PERPUSTAKAAN AWAM PASIR GUDANG


KERATAN AKHBAR BERKAITAN PASIR GUDANG

09 APRIL 2019

SELASA



AKHBAR	TAJUK BERITA	M/S
UTUSAN MALAYSIA	MB JOHOR JUMPA PM	2
UTUSAN MALAYSIA	PERLANTIKAN MENTERI BESAR HAK MUTLAK SULTAN JOHOR	3
UTUSAN MALAYSIA	OSMAN DISARAN LEPAS JAWATAN	4



UTUSAN MALAYSIA

MB Johor jumpa PM

cfm
9/4

PUTRAJAYA 8 April - Menteri Besar Johor, Datuk Osman Sapian telah mengadakan pertemuan dengan Tun Dr. Mahathir Mohamad di pejabat Perdana Menteri, di bangunan Perdana Putra, di sini hari ini.

Pertemuan itu menjadi tumpuan susulan khabar angin bahawa kedudukan Osman sebagai Menteri Besar bakal digantikan.

Menurut sumber, Osman memasuki bangunan pada pukul 3 petang dengan menaiki kenderaan jenis Toyota Alphard dan pulang pada pukul 6.50 petang.

Pengamal-pengamal media yang menunggu di pintu masuk bangunan Perdana Putra sejak pukul 3.30 petang walau bagaimanapun gagal merakam kenderaan Osman, dipercayai kerana beliau menggunakan pintu masuk berlainan.



UTUSAN MALAYSIA

Ut Malaysia 9/4

Pelantikan Menteri Besar hak mutlak Sultan Johor

KUALA LUMPUR 8 April - Sultan Johor mempunyai kuasa mutlak dalam menentukan pelantikan individu yang layak menjadi Menteri Besar di negeri itu selagi individu tersebut adalah Melayu dan beragama Islam seperti tertakluk dalam Undang-undang Tubuh Kerajaan Johor (UTKJ) 1985.

Sultan mengikut budi bicaranya boleh melantik sesiapa

sahaja untuk menjadi Menteri Besar selagi ia mematuhi peruntukan Artikel 3(2) dalam undang-undang tersebut.

"Hanya mereka yang berstatus Penduduk Tetap (PR) tidak boleh dilantik memegang jawatan itu," jelas undang-undang tersebut.

Sepanjang memegang jawatan Menteri Besar itu, individu tersebut tidak boleh memegang

jawatan atau terlibat dalam sebarang aktiviti perniagaan yang boleh menjana keuntungan kepadanya.

Selain itu, UTKJ menyatakan seseorang Menteri Besar itu boleh hilang jawatannya apabila hilang kepercayaan majoriti Ahli Dewan Undangan Negeri.

"Menteri Besar yang hilang kepercayaan majoriti itu, boleh

mengemukakan surat peletakan jawatannya atau permohonan supaya Sultan Johor mem-bubarkan Dewan Undangan Negeri (DUN)," jelas peruntukan UTKJ.

Sekiranya berlaku peletakan jawatan, seorang ahli Majlis Mesyuarat Kerajaan Negeri selain Menteri Besar hendaklah memegang jawatan atas perkenan Sultan.



UTUSAN MALAYSIA

Utusan Malaysia - 9/4/19 - Selasa

Osman disaran lepas jawatan

Oleh **NURUL HUDA HASSAN**
pengarang@utusan.com.my

■ JOHOR BAHRU 8 APRIL

DEWAN Muda Johor (DMJ) mahu Menteri Besar, Datuk Osman Sapian mengambil langkah berjiwa besar melepaskan jawatannya dengan cara terhormat, jika benar spekulasi beliau akan ditukar.

Menurut DMJ, cara begitu adalah lebih baik dan terpuji untuk Osman daripada membiarkan negeri ini terus diheret dalam kancah politik dalaman yang sememangnya bakal merugikan rakyat dan Johor jika spekulasi itu dibiarkan.

"Spekulasi Johor bakal mendapat Menteri Besar yang baharu pastinya menimbulkan rasa tidak selesa dalam kalangan rakyat, malah bakal memberikan imej tidak baik terhadap negeri dan menimbulkan kebimbangan kepada pelabur untuk melabur di Johor.

"DMJ juga melihat kemelut baharu itu ada kaitan dengan krisis kesepakatan dalam kalangan parti Pakatan Harapan (PH) dengan setiap parti sudah tentu bercita-cita untuk meletakkan calon mereka sebagai Menteri Besar.

"Ini bukan satu situasi yang baik kerana secara tidak langsung boleh menyebabkan Menteri Besar sedia ada seolah-olah tidak mendapat sokongan bagi menumpukan usaha memajukan rakyat dan negeri ini," menurut DMJ dalam kenyataan di sini hari ini.

DMJ percaya bahawa sebuah kerajaan negeri yang baik pastinya mempunyai kesepakatan baik, saling mempercayai dan paling penting tidak mempunyai agenda politik tertentu dengan dipimpin ketua yang dihormati.

Namun, kata DMJ, apa yang berlaku adalah Johor sejak diambil alih kerajaan PH memperlihatkan Menteri Besar menadbir negeri ini berseorangan



OSMAN SAPIAN

tanpa sokongan dan dokongan daripada barisan Exco serta wakil rakyat blok kerajaan sendiri.

"Bermula defisit kepercayaan terhadap kejujuran kelayakan akademik sehingga caranya menguruskan bencana toksik di Sungai Kim Kim, dan kemuncaknya lawatan ke Batam, Indonesia meninggalkan rakyat di Pasir Gudang.

"Ia bukti jelas, kerajaan negeri Johor pada hari ini rapuh dan hilang identiti pemimpin yang memimpin dan situasi itu pastinya sesuatu yang tidak sihat untuk kestabilan dan kemakmuran rakyat dan negeri ini.

"Jadi, desakan serta saranan bahawa Menteri Besar Johor ditukar atau dirombak dalam kalangan pemimpin Pakatan Harapan adalah sesuatu yang tentunya tidak memeranjatkan kita," tambah kenyataan itu.

Justeru, kata DMJ, daripada terus berspekulasi serta mengambil kira imej beliau yang sudah tercalar, adalah lebih baik Menteri Besar Johor berjiwa besar melepaskan jawatan dengan cara terhormat.

Kepada rakyat Johor, DMJ mengajak semua bersama-sama mendoakan yang terbaik dan menyokong segala tindakan serta jalan yang terbaik untuk negeri ini.

